



Univerzitet u Sarajevu CENTAR ZA INTERDISCIPLINARNE STUDIJE

Saopštenje za javnost

Za objavu!

Studij po uzoru na vodeće svjetske univerzitete

UNSA upisuje prvu generaciju doktoranata interdisciplinarnog doktorskog programa Globalne studije

(Sarajevo, 2. decembar 2019) Centar za interdisciplinarne studije Univerziteta u Sarajevu, po uzoru na vodeće univerziteta u svijetu, prvi put u Bosni i Hercegovini predstavlja interdisciplinarni doktorski program Globalne studije. Studij doktorantima nudi mogućnost usavršavanja i ovladavanja naučno-istraživačkim alatima koji su iznimno cijenjeni u domaćim i stranim institucijama koje se bave integracijskim procesima i procesima proširenja EU. Studij će u najboljoj mjeri osposobiti polaznike za daljnju akademsku i istraživačku karijeru ili karijeru u vladinom ili nevladinom sektoru.

Voditeljice doktorskog programa Globalne studije, **prof. dr. Melika Husić-Mehmedović** i **prof. dr. Selma Kadić-Maglajlić** ne kriju svoje zadovoljstvo kvalitetom kreiranog programa. *“Danas u Bosni i Hercegovini suočavamo se sa brojnim pitanjima na koje je nemoguće odgovoriti promatrajući ih samo iz jedne perspektive ili iz jedne naučne discipline. Naprimjer migracije, ljudska prava, inkluzija, rodna pitanja i stereotipi, ekologija i okoliš su teme za čije je adekvatno razumijevanje zaista potrebna interdisciplinarna optika”,* istakla je **prof. dr. Melika Husić-Mehmedović**.

“Interdisciplinarni doktorski program Globalne studije razvili smo po uzoru na svjetske univerzitete kao što su Stanford, Univerzitet u Bernu, Humboldt Univerzitet ili Univerzitet Gothenburg. Posebno se ponosimo na ekipu nastavnika koje okupljamo na ovom studiju, a čiju okosnicu čini nova generacija profesora Univerziteta u Sarajevu potpomognuta stručnjacima porijeklom iz BiH, a koji danas predaju na prestižnim univerzitetima širom svijeta”, dodala je **prof. dr. Selma Kadić-Maglajlić**.

Kao rezultat savremenih globalnih kretanja i promjena, intenzivirala se potreba za novim profilom stručnjaka koji su kroz interdisciplinarnu perspektivu u mogućnosti sa naučnog aspekta sagledati različita pitanja kao što su migracije, sukobi, rodna prava, ljudska prava. Cilj interdisciplinarnog doktorskog programa je poticati kritičko promišljanje te osigurati preduvjete za uspješan i odgovoran naučni rad u interdisciplinarnom polju društvenih nauka, a sve u skladu s najvišim naučnim, metodološkim i etičkim standardima.

Konkurs je otvoren do 31. decembra 2019. godine, a prijaviti se mogu kandidati koji su stekli diplomu drugog ciklusa studija, integrisanog studija, akademskog specijaliste i magistra nauka/umjetnosti (minimalno 300 ECTS bodova). Početak nastave planiran je u februaru 2020. godine, a nastava se izvodi u popodnevnim satima.

Više informacija o studiju dostupno je na web stranici www.cis.unsa.ba.

k r a j

Kontakt: Bejtovic Communications, Emir Muhamedagić, +387 62 118 479, muhamedagic@bejtovic.ba